



Fréttabréf 3

10. nóvember 2010

3. tbl. skólaárið 2010 — 2011

**Ágætu foreldrar og forráðamenn
nemenda í Grunnskólanum í Borgarnesi**

Þá er fyrstu önn skólaársins að ljúka og sú næsta að taka við. Nokkur atriði af því tilefni.

1. Annaskilin

Föstudagurinn 12. nóv. er frídagur hjá nemendum en starfsmenn undirbúa viðtöl og starf næstu annar. Tómskundaskólinn er opinn frá kl. 8 – 16 fyrir þá sem þurfa á að halda og hafa tilkynnt um dvöl. Foreldraviðtöl fara síðan fram mánudaginn 15. nóvember. Upplýsingar um viðtalstíma berast forráðamönnum með nemendum fyrir helgina. Ef breyta þar tíma er best að hafa samband við viðkomandi umsjónarkennara. Ennfremur verður unnt að ná tali af öðrum kennurum og stjórnendum í skólanum þennan dag.

Við annarlok fer fram uppgjör á vinnu nemenda á önninni. Við leggjum áherslu á að meta frammistöðu og framfarir hvers nemenda. Matið skal taka tillit til getu hvers og eins og verða í samræmi við markmið skólans.

Nemendur í 3. – 10. bekk eru virkir í matinu og meta sig sjálfir í hverjum þætti þess. Það er ósk okkar að nemendur gangi frá **sjálfsmatinu heima með aðstoð foreldra** og verði búnir að því fyrir fimmtudaginn 11. nóvember. Nemendur og foreldrar geta (og eiga) að vera búnir að kynna sér niðurstöður matsins (í Mentor) áður en þeir mæta í foreldraviðtal, sem verður mánudaginn 15. nóvember.

Miðönn hefst svo skv. stundaskrá þriðjudaginn 16. nóv.

2. Dagur ísl. tungu

Skólinn stendur fyrir stuttri dagskrá í menningarsal Borgarbyggðar þriðjudaginn 16. nóv., á degi ísl. tungu, kl. 13. Eru það nemendur úr 3., 6. og 8. bekk sem koma fram. Menntamálaráðherra, Katrín Jakobsdóttir mun heiðra okkur með nærveru sinni en hún er á ferð héra í Borgarnesi vegna hátíðardagskrár í Landnámssetrinu í tilefni dagsins síðar um daginn.

3. Forvarnardagurinn

Forvarnardagurinn sem haldinn var núna í 5. sinn bar að þessu sinni upp á 3. nóv. Þessi dagur er haldinn að frumkvæði forseta Íslands meðs tuðningi ýmissa aðila annarra. Af því tilefni

heimsóttu forsetahjónin Hr. Ólafur Ragnar Grímsson og frú Dorrit nemendur 9. bekkja skólans og áttu með þeim stund. Eru myndir og fréttir af þessari heimsókn að finna á heimasíðu skólans.

4. Samræmd könnunarpróf

Niðurstöður samræmdra könnunarprófa hafa borist nemendum í 10. bekk en nemendur í 4. og 7. bekk þurfa að bíða eitthvað lengur. Eru niðurstöður væntanlegar fyrir mánaðarmót skv. upplýsingum frá Námsmatsstofnun.

5. Mentor

Nú er hægt að nálgast gleymd lykilorð á heimasíðunni mentor.is. Þar er að finna „týnt lykilorð“ og þegar slegið er inn netfang þá kemur nýtt lykilorð um hæl. Er þetta til mikilla þæginda fyrir notendur. Eins er hægt að skrá veikindi nemenda inn í Mentor tvo daga fram í tímann. Er þetta líka til hagræðingar fyrir notendur. Skólaritari athugar skráningar á hverjum morgni og færast þær þá sjálfkrafa inn í viðveruhluta kerfisins.

6. Snillinganámskeið

Í næstu viku fer af stað námskeið fyrir valda nemendur. Markmið námskeiðsins, sem kallast Snillinganámskeið er að efla samskiptafærni barna með því að kenna aðferðir sem hjálpa þeim að ná tókum á eigin líðan og lesa í tilfinningar annarra. Námskeiðið verður haldið í Tómskundaskólanum næstu fjórar vikur. Áspór Ragnarsson skólasálfræðingur og Kolbrún Kjartansdóttir kennari verða með námskeiðið að þessu sinni, en ætlunin er að halda annað námskeið eftir áramót þar sem nemendum úr yngri deild verður boðin þátttaka.

Ekki fleira að þessu sinni – næsta fréttabréf kemur út í byrjun desember, sérstakir viðburðir eru kynntir á heimasíðu skólans og er hægt að gerast áskrifandi að síðunni, fá þá tilkynningu í rafpósti þegar ný frétt kemur á síðuna.

Með bestu kveðjum

Kristján Gíslason skólastjóri